

VENDIM
Nr.33, datë 4.5.2006

**PËR NGRITJEN E KOMISIONIT HETIMOR TË KUVENDIT PËR HETIMIN E TREGUT
MONOPOL TË TELEFONISË CELULARE DHE PËRGATITJEN E REKOMANDIMEVE PËR
ELIMINIMIN E KËSAJ SITUATE MONOPOL**

Në mbështetje të neneve 77 dhe 78 të Kushtetutës, si dhe të ligjit nr.8891, datë 2.5.2002 “Për organizimin dhe funksionimin e komisioneve hetimore të Kuvendit”, me propozimin e një grupi deputetësh,

K U V E N D I
I REPUBLIKËS SË SHQIPËRISË

V E N D O S I:

I. Ngrihet Komisioni Hetimor i Kuvendit për hetimin e situatës monopol në fushën e telefonisë celulare dhe përgatitjen e rekomandimeve për liberalizimin e këtij tregu në Shqipëri.

II. Objekt i hetimit të Komisionit Hetimor të Kuvendit është:

1. Hetimi i situatës monopol në fushën e telefonisë celulare dhe vlerësimi ligjor i kushteve që kanë çuar në krijimin e një situatë të tillë.

2. Zbatimi i legjislacionit financiar dhe rregullator në fushën e telefonisë celulare nga ana e operatorëve të licencuar për këtë shërbim.

3. Zbatimi i ligjshmërisë nga ana e institucioneve shtetërore dhe enteve rregullatore përkatëse në fushën e telefonisë celulare dhe nxjerrja e përgjegjësisë, shkaqeve dhe pasojave konkrete të situatës monopol të krijuar.

III. Komisioni përbëhet nga 9 anëtarë, 5 nga shumica parlamentare dhe 4 nga opozita. Kryetari i përket opozitës parlamentare.

IV. Komisioni Hetimor e ushtron veprimtarinë e tij për një periudhë 3-mujore, duke filluar nga data e miratimit të përbërjes së tij.

V. Ngarkohen Kryetarja e Kuvendit dhe Sekretari i Përgjithshëm të caktojnë mjediset dhe mjetet e punës së Komisionit Hetimor.

VI. Ky vendim hyn në fuqi menjëherë.

ZËVENDËSKRYETARI
Fatos Beja